


RUKUN SEMBELIHAN HAIWAN KORBAN



Rukun penyembelihan terhadap binatang terbahagi kepada empat:

1. Penyembelih
2. Binatang yang ingin disembelih
3. Alatan untuk menyembelih
4. Keadaan (tempat/perbuatan) sembelih

Binatang yang ingin disembelih itu perlulah haiwan yang halal untuk dimakan orang Islam dan masih hidup.

Sekiranya kita berbicara tentang haiwan korban, haiwan-haiwan tersebut perlulah haiwan al an'am. Iaitu haiwan-haiwan yang dibenarkan sebagai haiwan penyembelihan.

Binatang Yang Disembelih

Haiwan-haiwan tersebut adalah:

1. Unta
2. Lembu/Kerbau
3. Biri-biri
4. Kambing

Penyembelih adalah seorang:

1. Islam
2. Berakal
3. Baligh
4. Tidak melakukan penyembelihan di dalam ihram haji

Alat Sembelihan

Tidak semua alatan boleh dijadikan sebagai alatan korban. Ini juga sebenarnya bentuk ihsan kepada haiwan supaya apabila disembelih, ia tidak sakit dan ia mati dengan kadar segera.

Rasulullah s.a.w bersabda:

إِنَّ اللَّهَ كَتَبَ الْإِحْسَانَ عَلَى كُلِّ شَيْءٍ: فَإِذَا قَتَلْتُمْ فَأَحْسِنُوا الْقِتْلَةَ، وَإِذَا ذَبَحْتُمْ فَأَحْسِنُوا الذَّبْحَةَ، وَلْيُجِدْ أَحَدُكُمْ شَفْرَتَهُ، وَلْيُرِحْ ذَبِيحَتَهُ

Maksudnya: “Sesungguhnya Allah menulis (mewajibkan) ihsan atas segala sesuatu. Apabila kamu mahu membunuh (dengan alasan yang

sah), maka perelokkanlah pembunuhan itu. Apabila kamu mahu menyembelih, maka perelokkanlah penyembelihan itu, dan hendaklah kamu menajamkan mata pisau dan hendaklah dia merehatkan (menyenangkan) haiwan sembelihannya itu”.

Hadis Riwayat Muslim

Antara perkara yang perlu diambil perhatian adalah dengan tidak mengasah pisau menyembelih di hadapan haiwan korban.

Dalam riwayat al-Hakim dalam al-Mustadrak, daripada Ibn ‘Abbas:

أَنَّ رَجُلًا أَضْجَعَ شَاةً يُرِيدُ أَنْ يذُبَحَهَا وَهُوَ يَحْدُ شَفْرَتَهُ فَقَالَ النَّبِيُّ صَلَّى اللَّهُ عَلَيْهِ وَسَلَّمَ: “أَتُرِيدُ أَنْ تُمِيتَهَا
”مَوْتَاتٍ؟ هَلْ حَدَدْتَ شَفْرَتَكَ قَبْلَ أَنْ تُضْجِعَهَا

Bahawa seorang lelaki membaringkan biri-biri yang dia hendak menyembelihnya, di samping ketika itu dia menajamkan mata pisaunya. Maka Nabi s.a.w bersabda: “Apakah engkau mahu membunuhnya beberapa kali? Mengapa tidak engkau tajamkan mata pisaumu sebelum engkau membaringkannya?!!”

Hadis Riwayat al-Hakim, dia menyatakan sah dan disetujui oleh al-Zahabi

Alatan yang **tidak dibenarkan** adalah; **gigi, tulang dan kuku.**

